

欽定天祿琳琅書目後編

天祿琳琅續編識語

乾隆甲子

命內廷翰林檢閱

內府藏書擇其善本進呈

覽定列架皮置於

昭仁殿以符古者中祕書之制

御題天祿琳琅爲額越乙未重加整比

敕編天祿琳琅書目詳其年代槧印流傳藏弄鑒賞採
擇之由成書繕錄陳設後入

欽定四庫全書者是也溯初編時五十餘年書目成亦二十餘年矣逮今嘉慶丁巳十月迺有

天祿琳琅書目後編之輯越七月編成臣等謹合

前後二編校之其書中體例紀載一依前帙互見別出各有源流而其規撫有拓而愈大析而彌精者如前編書目十卷後編則二十卷前編書四百部後編則六百六十三部萬有二千二百五十八冊視四庫全書踰三之一前編宋元明外僅金刻一種後編則宋遼金元明五朝俱

全凡皆宛委琅函嬭嬛寶簡前人評跋名家印
記確有可證絕無翻雕贗刻爲坊肆書賈及好
事家所僞託者蓋由我

皇上欽纂四庫全書以來海內奇書咸應

昌會

御題諸書之詩凡百數十首

鑒別精詳攷證明確

臣

等獲有所依據以爲去取之準

欽定四庫全書總目浩如淵海亦足旁引曲稽中外互
相參校故能羅物精醇臻茲美備又皆出舊藏

祕籍初未嘗有漢代陳農購書之使今前編之作篇目具備七閣珍儲長畱天地得後編而益足徵我

朝右文之盛藏書之富

聖學之高深不特下視夫鄴架曹倉抑且遠逾於麗正嘉則維體

昭仁之政治以煥

壽世之文章斯更成爲

堯天之大也哉

臣

等曷勝欽抃

臣

彭元瑞恭識

國朝宮史續編書籍門案語

見劉鳳詒存悔齋集第七卷

書籍一

鑒藏

昭仁殿

天祿琳琅續編

臣等謹案嘉慶二年丁巳十月

敕尙書

臣

彭元瑞等仿前編體例重輯天祿琳琅續

編維時徧理珠囊詳驗楮墨旁稽互證各有源
流而其規模析而彌精恢而愈富凡前人評跋

名家印記俱確有可徵絕無翻雕駁文爲坊肆書賈及好事家僞記者蓋以前編之日仰稟

高宗純皇帝辨訂精醇儒臣得所依據而自

欽定四庫全書以來淵海儲藏尤足以廣聞見參詳之助是以前編書目十卷後編則二十卷前編書四百二十二部後編則六百六十三部萬有二千二百五十八冊視四庫全書逾三之一前編宋元明版外僅金刻一種後編則宋遼金元明五朝梓本俱全合前後二編觀之不啻與綠字

丹文輝映萬古臣等謹依例恭錄

聖製題篇並分臚卷帙以備

幾餘澄鑑以昭我

皇上崇文念典之同揆云爾

欽定天祿琳琅書目卷一

後編

宋版首部

御題易傳

一函
六冊

宋程頤撰上下經六卷用王弼本前有元符二年
頤自序又上下經義一篇按宋史藝文志易傳九
卷二程全書作四卷惟王偁東都事略載六卷蓋
宋時本如是

是書不載鐫版年月於真宗諱恆字欽宗諱桓字
仁宗嫌名貞字皆闕筆而臨復艮三卦中敦字乃

光宗諱皆不闕筆蓋猶在紹熙以前所刻全部不知何人用朱標界大旨極整密凡宋諱皆作大圈圍之可證闕者亦宋時人也

御題

題宋版周易程傳 卜筮書違秦火殃大程平正傳
言常周張朱介三賢卓凶悔吝中一吉當開物無爲
自成務抑陰有道在扶陽幽明通以性命順內聖由
來賁外王 癸卯清和御筆鈐寶一曰古稀天子之
寶上鈐寶二曰乾隆御覽之寶曰古希天子

書中兩家印記徐乾學字原一號健菴江蘇崑山人康熙庚戌進士官至刑部尚書其家多藏書今傳是樓書目存屋字學山近人汪屋也

乾學

朱文

卷首

徐健菴

白文

卷一

臣屋之印

白文

卷一

學山審定

朱文

每卷首

御題尚書詳解

一函六冊

宋胡士行撰士行淳祐七年進士書十三卷揭銜前臨江軍軍學教授廬陵胡士行編與夏俱陳經兩家書同名故朱彝尊經義考又作初學尚書詳

解通部於經文句內逐字梳櫛次臚名物象數間
有圖次講經旨皆另行注中所引楊時林之奇呂
祖謙夏僎之說皆著明某氏界標首冠孔安國序
亦注之

是書通志堂經解內翻刻此其原本也

御題

題宋版尙書詳解 五十八篇始至終歷爲詳解折
於中道心毋使人心雜聖法由來王法通士行胡編
誠足貴九峯蔡傳實相同設如切己舉其要二典三

謨用不窮 癸卯暮春月上澣御筆鈐寶二曰古稀
天子之寶曰猶日孜孜上鈐寶二曰乾隆御覽之
寶曰古希天子

御題三禮圖

一面
四冊

宋聶崇義撰崇義洛陽人書二十卷揭銜通議大
夫國子司業兼太常博士柱國賜紫金魚袋臣聶
崇義集注前有序通部分十六門上圖下說末卷
則其目錄也考宋史儒林傳崇義善禮學周世宗
朝命圖郊廟祭器祭玉領以寶儼崇義因取諸家

三禮圖重加考正至宋太祖建隆三年四月表上之儼爲序太祖下詔褒獎賜以冠帶器幣命儒學三五人參論裁定尹拙竇儀與崇義互相詰難傳載其文特詳

是書通志堂經解亦翻刻此槧法紙墨俱古乃原槧也書末識云三禮圖始熊君子復得蜀本欲以刻於學而予至因屬予刻之予觀其圖度未必盡如古昔苟得而考之不猶愈於求諸野乎淳熙乙未閏三月三日永嘉陳伯廣書按三禮圖雖承旨

撰定而南北宋儒者多不徵信若沈括歐陽修趙
彥衛林光朝洪邁皆議之故伯廣亦云度未必盡
如古昔也伯廣平陽縣人紹興庚辰進士終通判
明州識中所云熊君子復乃熊克字克以直學士
出知台州伯廣蓋其時學官耳

御題

題宋版聶崇義三禮圖 尚忠尚質尚乎文三代因
之政已分何必衣冠定相襲要知和敬有尊聞觀圖
可識睢麟意撫冊猶欣蘭芷芬汲黯讜言對漢武懷

哉那復更云云 癸卯仲夏御筆鈐寶二曰古稀天子之寶曰猶日孜孜上鈐寶二曰乾隆御覽之寶曰古希天子

每冊首末有史氏收藏圖章自稱家傳翰苑考南宋時史氏以四明眉山兩派爲盛而四明尤著浩及彌遠嵩之三世爲相彌大彌堅彌鞏彌宇彌益能之雋之岩之多官館閣或其家藏籍也

史氏家傳翰苑

朱文

收藏書畫圖章

每冊首末

御題佩觿一面
四冊

宋郭忠恕撰忠恕字恕先洛陽人太平興國中以
國子監司業流登州道卒書三卷揭銜朝請大夫
國子周易博士柱國臣郭忠恕記上卷論形聲轉
變之由分三科曰象形曰四聲曰傳寫中下卷取
字體相近者分注音義如干祿字書例以四聲互
對釐爲十段末列音義與篇韻不同者十五字附
辨一篇凡百九十一字各注辨證未知何人作後
錄傳一則談苑一則集古跋尾一則嘉祐雜誌一

則塵史一則又五代史補一則

是書近張士俊澤存堂有倣宋刻此本白麻紙濃
墨極爲古緻中於仁宗嫌名貞字徵字俱闕筆而
項切許緣容貌之兒爲完全敦厚之爲敦弓句內
神宗正諱欽光二宗嫌名皆不闕筆乃北宋治平
中槧可證

御題

題宋版郭忠恕佩觿 衛風第廿一章句名寓佩觿
解結求小學從來大學本今文應溯古文由肆言那

戀錢五萬容面偏欣土一抔蟬蛻分明地仙列斯人
奚迫畫家流 癸卯初夏御筆鈐寶一曰古稀天子
之寶上鈐寶二曰乾隆御覽之寶曰古希天子

御題班馬字類

一面
五冊

宋婁機撰機字彥發嘉興人乾道初進士官至參
知政事書三卷取史記漢書中字標注音義以二
百六韻分部每部各有補遺凡千二百三十九字
補註五百六十三前有洪邁序機自序二首又景
定甲子李曾伯序云今從而廣之名以補遺附於

韻後併勒諸梓然則補遺出於曾伯并曾伯所刊
也未署門生三山潘介校正曾伯字長孺覃懷人
後居嘉興理宗朝知慶元府兼沿江制置使有可
齋集

御題

題影宋鈔本班馬字類 采摭欣傳樵李婁居然影
宋似雕鏤荀袁原未範圍出班馬藉因奧突求喜此
朝絃而暮誦嘉伊遠紹更旁搜披翻快處緣惡旨笑
異東坡大白淨 丁酉孟冬月中澣御題鈐寶二曰

所寶惟賢曰乾隆御策上鈐寶二曰乾隆御覽之寶曰古希天子

影宋鈔本極工緻考此書別有大字連行宋本有樓鑰序機自序二首在書後無曾伯所著補遺

吳泰來江蘇吳縣人內閣中書其家藏書處曰璜川書屋

璜川吳 朱文

氏收藏

圖書 卷首

御題算經

一函
十冊

續卷一

七

宋祕書省本凡七種一曰周髀算經趙君卿注甄
鸞重述唐朝議大夫行太史令上輕車都尉臣李
淳風等奉敕注釋前有趙君卿序後題祕書省周
髀算經一部上下共二冊元豐七年九月日上進
校定降授宣德郎祕書省校書郎臣葉祖洽校定
承議郎行祕書省校書郎臣王仲修校定朝奉郎
行祕書省校書郎臣錢長卿奉議郎守祕書丞臣
韓宗古朝請郎試祕書少監臣孫覺降授朝散郎
試祕書監臣趙彥若附周髀算經音義假承務郎

祕書省鈎考算經文字臣李籍撰末有嘉定癸酉
鮑澣之後序

御題

題宋版周髀算經

皇祖藉明句股絃惜吾未習值髫年授時以是爲要矣考
古亦常有外焉設匪敬誠存曰旦可能容易事占天
而今老矣難爲學自畫追思每愧旃 癸卯孟夏御
筆鈐寶二曰古稀天子之寶曰猶日孜孜上鈐寶
二曰乾隆御覽之寶曰古希天子二曰九章算經

魏劉徽注又李淳風注銜款同前五卷後闕祕書
省校定銜名三曰孫子算經李淳風注銜款同前
前有序後題祕書省孫子算經一部上中下共三
冊年月銜名同前四曰五曹算經李淳風注銜款
同前後題祕書省五曹算經一部五卷共一冊年
月銜名同前五曰張邱建算經漢中郡守前司隸
臣甄鸞注經又李淳風注銜款同前又唐算學博
士劉孝孫撰細草二卷前邱建自序後闕祕書省
校定銜名六曰夏侯陽算經前自序後題祕書省

夏侯陽算經一部上中下共三冊年月銜名同前
又元豐七年九月二十八日進呈奏御寶批宜依
已校定鏤版朝奉郎祕書省上騎都尉賜緋魚袋
臣韓治朝散郎試祕書少監上騎都尉賜緋魚袋
臣顧臨朝議大夫守祕書少監上護軍賜紫金魚
袋臣劉攽中大夫守尙書右丞護軍東平郡開國
侯食邑二千三百戶賜紫金魚袋臣呂大防通議
大夫守尙書左丞上柱國平原郡開國公食邑二
千八百戶食實封五百戶臣李清臣正議大夫守

中書侍郎上柱國馮翊郡開國公食邑二千三百
戶食實封五百戶臣張璪正議大夫守門下侍郎
上柱國南陽郡開國公食邑二千一百戶食實封
一千戶臣韓維金紫光祿大夫守尚書右僕射兼
中書侍郎上柱國東平郡開國公食邑六千二百
戶食實封一千九百戶臣呂公著正議大夫守尚
書左僕射兼門下侍郎上柱國河內郡開國公食
邑四千一百戶食實封一千五百戶臣司馬光七
日緝古算經唐通直郎太史丞臣王孝通撰并注

前有孝通進表後題祕書省緝古算經一卷一冊
年月銜名同前按唐制明算科試以十經此其七
也詳見後隋書經籍志周髀一卷趙嬰注又一卷
甄鸞重述唐書藝文志李淳風釋周髀二卷與此
合蓋原一卷注釋既多遂分上下帙耳趙君卿據
其自序名爽以爲嬰者謫注引靈憲乾象則其人
在張衡劉洪後九章算經蓋周禮保氏之遺法王
孝通言周公制禮有九章之名張蒼刪補殘闕校
其條目考書中有上林苑乃武帝時作蒼豈能預

知其書當在西漢中葉後唐書稱李淳風等奉詔
注九章算術爲算經十書之首國子監置算學生
三十人習之則此書也孫子算經隋志二卷無注
唐志李淳風注甄鸞孫子算經三卷亦與此合朱
彝尊跋此書云首言度量所起合乎兵法地生度
度生量量生數之文次言乘除之法設爲之數十
三篇中所云廓地分利委積遠輸貴賤兵役分數
比之九章方田粟米差分商功均輸盈不足之目
往往相符尤在得算多多算勝以是知是編非僞

託也是彝尊確以爲孫武撰然書中設問有長安
洛陽相去九百里又佛書二十九章章六十三字
春秋末安得作東漢明帝後語耶五曹算經始見
唐志亦載李淳風注作者不知誰氏然唐志有甄
鸞注則北齊以前書也張邱建算經亦見唐志邱
建不知時代據注亦在北齊前中稱術曰者乃鸞
注草曰者乃孝孫所增陳振孫書錄解題曰細草
者乘除法實之詳悉也夏侯陽算經隋志二卷唐
志一卷惟書錄解題云三卷與此合俱不言陽何

代人緝古算經唐志及崇文總目俱載李淳風注
今書明標并注謂李注者誤宋志一卷鄭樵通志
四卷王應麟玉海云亡其三今書首進表稱二十
術書內條目相同無缺謂四卷者誤孝通名見舊
唐書律厯志戊寅厯武德九年授厯人算厯博士
臣王孝通題是淳風同時人必不以太史令爲博
士作注蓋算學十經內此書最爲後出而當時以
爲顯業入之學試今以

御題周髀算經冠首其九章以下悉依唐書百官志所

臚敘次略考其源流篇帙列之云

影宋鈔本出常熟毛氏描摹紙墨最爲精巧書肆所豔稱毛鈔也據夏侯陽算經後列銜乃三省祕書監奉敕刊書錄解題所謂元豐監本卽此它六種雖脫此葉而行款槩法同爲一書毛氏據所得影鈔之考四庫全書所錄張邱建緝古二種亦鈔本其九章孫子五曹夏侯陽四種乃從永樂大典散篇編成蓋

中祕之書人間未見矣

毛扆總跋 按唐書選舉志制科之目明算居一

其定制云凡算學孫子五曹共限一歲九章海島
共三歲張邱建夏侯陽各一歲周髀五經算共一
歲綴術四歲緝古三歲紀遺三等數皆兼習之竊
惟數學爲六藝之一唐以取士共十經周髀家塾
會刊行之餘則世有不能舉其名者扆半生求之
從太倉王氏得孫子五曹張邱建夏侯陽四種從
章邱李氏得周髀緝古二種後從黃俞邵又得九
章皆元豐七年祕書省刊版字畫端楷雕鏤精工

眞希世之寶也每卷後有祕書省官銜姓名一幅
又一幅宰輔大臣自司馬相公而下俱列名於後
用見當時鄭重若此因求善書者刻畫影摹不爽
豪末什襲而藏之但焉得海島五經算綴術三種
竟成完璧并得好書者刊刻流布俾數學不絕於
世所深願也康熙甲子仲秋汲古後人毛扆謹識
鈐印二毛扆之印斧季

毛晉初名鳳苞字子晉常熟人家多古書作汲古
閣藏之重刻十三經十七史史記索隱文選宋六

十家詞諸古本甚夥季子展字斧季見蘇州府志
跋中所云太倉王氏乃世貞家章邱李氏則李開
先號中麓嘉靖己丑進士官至太常卿黃俞邵乃
虞稷字泉州人流寓上元纂千頃堂書目三家皆
明季多藏書者

宋本

朱文 周髀上下 九章上下 孫子 希世 朱文 周髀上下 九章上下 孫子
五曹 張邱建上下 夏侯陽 緝古 之珍 五曹 張邱建上下 夏侯陽 緝古

毛晉之印

朱文 周髀上 孫子 張邱建上 緝古

毛氏子晉

朱文 周髀上下 九章上下 孫子 五曹 張邱建上下 夏侯陽 緝古

子晉書印

朱文 周靜上下 九章上下
孫子 張邱建下 緝古

汲古得脩綆

朱文 周靜上下 九章上下
孫子 張邱建上下 緝古

汲古

朱文 周靜下 九章上下

毛晉

朱文 五曹

子

朱文 五曹

閣

五曹 張邱建下 夏侯陽

私印

夏侯陽

晉

夏侯陽

闕葉張邱建算經上二十下二

御題唐陸宣公集

一函十二冊

唐陸贄撰贄事具唐書本傳書三十二卷分三門

制誥十卷奏草六卷中書奏議六卷前有本朝名

臣進奏議劄乃蘇軾之文見本集

按藝文志載志議論表疏集十二卷又翰苑集十卷書錄解題載陸宣公集二十二卷中分翰苑榜子爲二集晁公武郡齋讀書志稱奏議十二卷舊有榜子集五卷議論集三卷翰苑集十卷元祐中蘇軾乞校正進呈改從今名疑是裒諸集成此書據此則贄翰苑集之更名奏議昉自北宋而孝宗淳熙八年講筵劄子有旨陸贄奏議令日讀五版是奏議之名久爲通稱矣此本卷數與諸書合而文不同其名陸宣公集則同陳振孫所載實一書

也

御題

題宋版陸宣公奏議 熟讀東坡進奏篇欣看議疏
陸家宣行閒字裏通時事曲譬直陳總道詮一部允
當置槩几萬言猶喜見初鐫梁洋失及忠州遣措舍
何殊天與淵 癸卯仲秋御筆鈐寶二曰古稀天子
之寶曰猶日孜孜上鈐寶二曰乾隆御覽之寶曰
古希天子

元揭傒斯藏本傒斯字曼碩富州人侍講學士同

知經筵事王鐸字覺斯孟津人

本朝大學士

揭傒斯印

朱文

王鐸之印

白文

覺斯

朱文 俱第二冊

第十二冊首尾一

御題朱文公校昌黎先生集

四面
三十二冊

唐韓愈撰宋朱熹考異王伯大音釋正集四十卷
外集十卷後附遺文又附錄新書本傳趙德文錄
序蘇軾潮州韓文公廟碑前有考異序伯大序諸
家姓氏李漢序汪季路書凡例并刊書家識

宋麻沙本按識云畱耕王先生倅南劍時將考異附正集本文下又集諸家所定音釋於通卷之左今本宅所刊係將南劍州官本爲據併將音釋附正集焉按韓文考異本別爲卷帙至伯大始散附本句下以便覽又採洪興祖樊汝霖孫汝聽韓醇祝充之說著爲音釋各附篇末今此刊者未詳何人又以伯大所輯音釋散諸句下故注中某云集曰皆以白文別之是此書薈萃方崧卿朱熹王伯大及諸家之全流傳特盛而已經兩番散攙此李

御題

光地所以有原本韓文考異之刻也伯大字幼學
號畱耕福州人嘉定七年進士理宗朝參知政事

題宋版朱文公校昌黎集 校集都因考異詮門人

李漢更詳編官書率就私書獻杭本應爲蜀本先無
得兼存期自擇允爲獨出更誰肩一篇原道接孔孟
見道因文啟宋傳 癸卯仲春御筆鈐寶二曰古稀
天子之寶曰猶日孜孜上鈐寶二曰乾隆御覽之
寶曰古希天子

據印記藏是書者有沛國劉氏吳越王孫錢氏西
崖諸氏朱家賓四家人俱無考其大經一印或宋
羅大經著鶴林玉露者

朱家

朱文 松菊

朱文 首冊 卷二 卷五 卷八 卷十一

大

朱文 首冊 卷二 卷四 卷五 卷八 卷十一 卷十三 卷十四

賓印

首冊 閒情

卷五 卷九 卷十三 卷十八 卷二十一 卷二十四

經

朱文 首冊 卷二 卷五 卷六 卷七

慈雲

吳 首冊 卷二 卷三 卷五 卷六 卷八 卷九 卷十

樓

卷十四 外集 卷一

吳越

朱文

沛國郡

朱文 首冊 卷二 卷五 卷六 卷七

王孫

首冊

圖書印

卷八 卷九 卷十一 卷十三 卷三十六

半石

白文

山房

由拳 壹盧式 白文 卷一 卷十 卷三十四

朱氏 白文卷一卷五卷十卷十四
珍玩 卷九 卷元 卷三十五 卷四十

子孫 永保 用享
白文卷一卷四卷七卷十一
卷西 卷六 卷三十五 卷五十五
外集 卷七 遺文

諸西 白文卷四卷五卷六卷七卷八
崖書 卷七 卷三十五 卷五十五 遺文
雲林 卷三十五

闕補卷二十三 十三 附傳二

御題增廣注釋音辨唐柳先生集 四面 三十二冊

唐柳宗元撰宋童宗說注釋張敦頤音辨潘緯音

義正集四十三卷別集二卷外集二卷附錄劉禹

錫天論祭文三首唐書本傳曹輔黃翰許尹祭文

汪藻祠堂記穆修舊本後序沈晦四明新本後序
李禱柳州舊本後序文安禮年譜後序前有乾道
三年陸之淵音義序諸家姓氏年譜

宋麻沙本按柳集在宋凡六刻一穆修宋大字本
爲最初後多承用一元符小字本一曾丞相家本
一晏元獻家本一四明新本政和四年沈晦刻一
柳州舊本紹興四年李禱刻與此本而七今通行
乃明鐫卷帙音注皆照此本而舛誤特甚此雖未
知較北宋四刻及南渡後二刻爲何如而精審足

寶童宗說字夢弼南城人官袁州教授張敦頤字
養正婺源人紹興八年進士官知舒衡二州潘緯
字仲寶雲間人紹興十五年進士據序著音義時
方爲瀟山學官注中白文童張潘竝作某云非緯
所自刻然較其闕筆字的是南宋中葉本

御題

題增廣注釋音辨唐柳宗元集 文章韓柳稱伯仲
邪正立身冬夏然黨人叔文真是謬州憐禹錫或猶
賢政傳柳郡差可耳廟祀羅池實幸焉終是昌黎敦

厚道惜其末路鮮周旋 癸卯仲夏御筆鈐寶二曰

古稀天子之寶曰猶日孜孜上鈐寶二曰乾隆御

覽之寶曰古希天子

印記與韓集多同蓋以麻沙本相配也其朱季子

或即朱家賓

沛國郡

朱文

松菊

圖書印

首冊

閒情

朱文 首冊 卷三 卷九
卷十三 卷十六 卷二十 卷二十一
卷二十二 卷二十三 卷二十四 卷二十五

大經

朱文 首冊 卷二
卷三 卷九 卷十二
卷十三 卷十五 卷十六

卷十九 卷二十 卷二十五 卷二十六 卷三十一
卷三十三 卷三十五 卷三十六 卷三十八 卷三十九
卷四十二 卷四十三 別集下 外集七

吳越

朱文 首冊
王孫 二冊 卷一

朱

白文
季子 卷首

朱氏
祕玩

朱文卷一 卷十二 卷十七
卷十四 卷三十一 卷三十八 卷四十七
別集附錄

諸西
崖書
畫印

朱文
卷二

子孫
永保
用享

朱文
卷二
卷三

卷十五 卷十九 卷二十五
卷三十一 卷三十五 卷三十八
卷四十一 別集附錄

慈雲
樓

白文 卷八
卷十四 卷十八
卷四十五

西崖
諸氏
家藏

朱文 卷十二 卷十五
卷十九 卷三十五 卷三十一

卷三十五 卷三十八

季

白文 卷十七

卷四十二 別集

○

附錄

由拳

壹盧式 朱文
卷二十四

關補卷二十二 九

欽定天祿琳琅書目後編卷一終

欽定天祿琳琅書目卷二

後編

宋版經部

周易

一函
四冊

王弼本十卷上下經弼注繫辭傳說卦傳序卦傳
雜卦傳韓康伯注附略例邢璣注

是書不載鐫板年月於孝宗以上諱俱闕筆乃淳
熙乾道年刊字畫圓勻槧法淨密宋本中之佳者
明王世貞家藏貞元伯雅皆其家印它書亦有仲
雅季雅印皆取三雅之義以表書之品第也

[貞][元]

朱文
蓮章

[伯][雅]

朱文
俱卷一

周易本義

一函
八本

宋朱熹本義依古周易經二卷傳十卷前易圖九
後周易五贊筮儀

顧炎武日知錄洪武初頒五經天下儒學易兼用
程朱二氏亦各自爲書永樂中修大全乃取朱子
卷次割裂附程傳之後而朱子所定之古文仍復
淆亂如彖卽文王所繫之詞傳者孔子所以釋經

之義後凡言傳倣此乃彖上傳條下義今乃削去
彖上傳三字而附於大哉乾元之下象者卦之上
下兩象及兩象之六爻周公所繫之辭也今乃削
去象上傳三字而附於天行健之下此篇中彖傳
象傳之義以盡乾坤二卦之蘊而餘卦說因可例
推云乃文言條下義今乃削文言二字而附於元
者善之長也之下其彖曰象曰文言曰皆朱子本
所無復依程傳添入後來士子厭程傳繁多棄去
不讀專用本義而大全之本乃朝廷所頒不敢輒

改遂卽監版傳義之本刊去程傳而以程之次序
爲朱之次序凡本中言程傳備矣者又添一傳曰
而引其文皆明代人所爲云云考董楷周易傳義
附錄割朱義以附程傳宋時已然不昉於永樂大
全也易自漢費直鄭康成王弼遞有更移唐孔穎
達因之作正義古易遂不復存宋呂大防作周易
古經二卷晁說之作錄古周易八卷薛季宣作古
文周易十二卷程迥作古周易考一卷李燾作周
易古經八卷吳仁傑作古周易十二卷至呂祖謙

作古周易分十二篇朱熹跋之本義卽用其本開
卷周易條下明云定著爲經二卷傳十卷乃復孔
氏之舊若今通行本經注不相應數百年沿襲幾
不知朱義本來面目至

御纂周易折中用朱義本而始大定此本象上傳履卦象
下傳夬卦及文言傳坤卦不錄程傳雜卦注咸速
恆久作感速常久筮儀列後彖上傳下注從王肅
本四字無八卦取象歌分宮卦象次序上下經卦
名次序歌上下經卦變歌皆與後來本不同不獨

宋諱闕筆爲驗也

秀水項氏藏本後歸毛氏汲古閣兩家印記甚夥
項篤壽字子長嘉靖壬戌進士入翰林萬卷樓其
舍北藏書處毛氏所藏用宋本印更著甲字印乃
其最佳者

宋本

甲

俱宋文
首冊

雲壑子

自文首冊象上傳下傳象上傳
下傳榮齡上傳下傳文言傳
說卦傳序卦傳雜卦傳

汲古

閣

宋文

首冊

象上傳榮齡上傳

毛氏

子晉

宋文首冊
上經下經
象下傳

毛晉

之印

宋文
榮齡上傳

子

長

項氏萬卷
堂圖籍印

俱朱文首冊
下經 宋上傳
繫辭上傳

毛晉
私印

宋文
上經
宋上傳
雜卦傳

吳氏
沅寬

宋文
上經

吳氏
中孚

白文 上經 下經 宋上傳 下傳
宋上傳 下傳 繫辭上傳 下傳
大書傳 說卦傳 序卦傳 雜卦傳

汲古
主人

宋文
上經
宋上傳

項印
篤壽

宋文
上經
宋上傳

少翁
主人

朱文
上經
宋上傳 宋冊

柴玉
元居
寶刻

白文
上經
宋上傳

子
晉

朱文
雜卦傳

大易粹言

一函
二十冊

宋曾種撰種字獻之溫陵人仕履無考書十二卷
第一卷程頤易傳序郭雍易說序標爲總序第十
二卷諸家姓氏文集學易論易明卦明文明十翼
五篇有淳熙四年程九萬李祐之跋書中所採者

二程張載楊時游酢郭忠孝郭雍七家之說雍卽
種之師也四庫全書改標方聞一編以種序爲據
然聞一列名校勘與作跋之程九萬李祐之一例
正不必遠改宋史藝文志近駁朱彝尊經義考而
亦未嘗沒聞一之名也

淳熙三年雕本後牒二通舒州公使庫雕造所本
所依奉台旨校正到大易粹言雕造了畢右具如
前淳熙三年正月日池州青陽縣學諭李祐之迪
功郎舒州懷寧縣尉許邦弼迪功郎新無爲軍無

爲縣主簿方頤迪功郎舒州太湖縣主簿張橐迪
功郎舒州望江縣主簿程九萬從政郎舒州錄事
參軍莫抃儒林郎安慶軍節度掌書記趙善登從
事郎舒州州學教授方聞一俱校勘奉議郎權通判
舒州軍州兼管內勸農田事陸同朝請大夫知舒
州軍州兼管內勸農營田屯田事曾種又牒令具
大易粹言一部計二十冊合用紙數印造上墨錢
下項紙副耗共一千三百張裝背饒青紙三十張
背青白紙三十張俊墨糊藥印背匠工食等錢共

一貫五百文足賃板錢一貫二百文足本庫印造
見成出賣每部價錢八貫文足右具如前淳熙三
年正月日雕造所貼司胡至和具杭州路儒學教
授李清孫校勘無差是此本卽種知舒州時書成
刊印至嘉定癸酉張嗣古以漫漶重修則在後矣
每冊前後有蒙古篆文官印冊末紙背印記云國
子監崇文閣書籍借讀者必須愛護損壞闕汚典
掌者不許收受按元史仁宗紀皇慶元年二月朔
徙大都學所置周宣王石鼓於國子監二年六月

建崇文閣於國子監明太學志崇文閣元藏書所
今東講堂有碑存然則宋籍元藏與石鼓同時度
置可云古矣

童溪王先生易傳

二函
十二冊

宋王宗傳撰宗傳字景孟寧德人淳熙八年進士
書三十卷揭銜迪功郎前韶州州學教授王宗傳
景孟撰前二十六卷上下二經後四卷繫辭上下
傳前有宗傳自序第二十七卷前又序云歲在戊
戌著易計三十卷其於繫辭序卦雜卦未暇也越

三載辛丑蒙恩賜第還鄉作續傳然續傳僅有繫辭上下傳而止其書終未成也自序後有墨印三
一曰大易發明一曰建安劉日新宅鏤梓於三桂
堂一曰經學之寶又有林焯炳叔序自稱與童谿
生同方學同學同及辛丑第開禧更元劉君日新
將以童谿易傳膏馥天下後世是書纂於孝宗朝
刊於寧宗朝此其付梓時所序也焯字炳叔寧德
人淳熙辛丑特奏名官開化令

宋孝宗諱昚字宋本諸易經多於慎不害也

句闕筆蓋言慎也句改順此獨作謹不害也蓋言
謹也與諸刻不同

是書傳流印記甚夥俞貞本字有立吳縣人永樂
初以勸蘇州守姚善舉兵論死秦汴字思宋無錫
人秦金仲子金字國聲宏治進士官刑部尙書諡
端敏又曾入唐寅毛晉徐乾學家毛褻字蕭伯晉
之子立菴賀萬祚號秀水人天啟朝布政使

宋本

朱文
卷首

陳元
中印

自文 卷首 卷一
卷四 卷八 卷十

桂 鑑式
堂 卷七

朱文 卷首 卷二 卷三 卷四
卷五 卷六 卷七 卷八 卷九 卷十

于晉
私印

汲古得
脩綆

俱朱文
卷十二
卷十八

晉

朱文
卷四

汲古
閣

朱文
卷六

聽松
風處

朱文
卷三

繁
花塢

朱文
卷五
卷六

毛晉
之印

朱文
卷四

立菴
圖書

朱文
卷三

少保秦端
敏公仲子

朱文
墨印
卷三

闕補卷二 六

周易輯聞

二函
八冊

宋趙汝楨撰汝楨宋宗室理宗時官戶部侍郎書
六卷上下二經每卦以大象冠首始及經文而小
象文言分列諸爻之下於自古相傳之經傳全亂

其例後爲易雅一通釋二書釋三學釋四情釋五位釋六象釋七辭釋八變釋九占釋十卦變釋十一爻變釋十二得失釋十三八卦釋十四六爻釋十五陰陽釋十六太極名義釋十七象數體用釋十八圖書釋前有自序又筮宗一筮宗釋本二筮述三先傳考亦有自序汝楫蓋承其父善湘之訓故曰輯聞善湘資政殿大學士宋史有傳其說易之書有約說八卷或問四卷措要四卷續聞八卷補過六卷今竝不傳汝楫所著別有易序叢書蓋

濟美堂

朱文
卷三

卷首
卷七

虞山孫藩

白文

卷首

夔王氏之印

卷三

卷七

附釋音尙書注疏

二函
十六冊

漢孔安國傳唐孔穎達正義并序附音義書二十

卷

宋諱惇字以上闕筆其敬殷恆讓等字不闕蓋已
祧也卷中有正德年補刊之葉蓋宋鐫明印故間
有漫漶處而前所臚蔡沈集傳本誤字此俱不譌
又可知宋監本彼善於此也

命聰明齊聖之類是爲重意又取本書相同之句如堯典曰若稽古下注以舜典曰若稽古之類是爲重言又取他書中所引尙書之文如堯典克明俊德下注記大學帝典曰克明俊德之類是爲互注蓋經生使用之書也

麻沙本闕筆至惇字乃光宗時刊

按漢唐傳經以石至五代始有木刻至宋而重監本然校對多疏展轉致誤此岳珂九經三傳沿革例毛居正六經正誤多較正監本之譌或取諸蜀

本越本建本而從其善者此本盤庚中之乃祖先

監本

譌乃父丕乃告高后曰文侯之命之卽

監本

我御

事汝克昭

監本

乃烈祖皆足證監本之誤至今讀

本皋陶謨禹貢之降水爲泮水會于匯爲爲匯太
甲中之厥祖爲烈祖咸有一德之厥德匪常爲靡
常武成之師逾爲師渡洪範之作哲爲作哲多士
之今爾又曰夏迪簡在王庭爲其曰則又監本所
未誤而誤於蔡沈集傳者以此證之益知古籍之
爲寶實足資後來之考證也

濟美堂

朱文
卷三

卷首
卷七

虞山孫藩

白文

卷首

夔王氏之印

卷三

卷七

附釋音尙書注疏

二函
十六冊

漢孔安國傳唐孔穎達正義并序附音義書二十

卷

宋諱惇字以上闕筆其敬殷恆讓等字不闕蓋已
祧也卷中有正德年補刊之葉蓋宋鐫明印故間
有漫漶處而前所臚蔡沈集傳本誤字此俱不譌
又可知宋監本彼善於此也

按岳珂刊正九經三卷沿革例云晉錮版本舊新
監本蜀諸本與他善本皆刊古注若音釋則自爲
一書建本蜀中本則附音於注文之下據此則明
監本皆附音非北宋監本之舊矣大抵南宋所刻
始句下附音故首行必標附釋音以別於監本

增修東萊書說

一面
十二冊

宋呂祖謙說時瀾修定祖謙字伯恭金華人隆興
元年進士復中博學宏詞科官至直祕閣著作郎
國史院編修諡曰成事具宋史儒林傳書三十五

卷前有瀾序并書篇名君臣名號唐虞夏商周譜
系圖諸儒傳授書學圖東萊先生禹貢圖說考祖
謙受業於林之奇之奇書說至洛誥終祖謙作書
說自洛誥始以終始師說其門人時瀾又取祖謙
雜記語錄增自堯典至召誥以終始祖謙之說出
王應麟玉海瀾婺州人時儔與祖謙同年進士其
羣從子弟十餘人悉從遊若澣若瀾若涇尤時氏
之秀云

宋巾箱本第十三卷至三十卷列本第一卷至十

二卷第三十一卷第三十五卷影宋鈔本槧法固
精妙鈔者筆法墨氣俱勻細入格幾不可辨不止
如唐摹晉帖下真蹟一等也

汲古閣藏本毛晉父子印記甚多尋其首末有印
猶未改裝也有甲字印

宋本

朱文卷首卷一 卷二 卷四
卷六 卷九 卷十三 卷十六 卷十九
卷二十一 卷二十三 卷三十一

甲

朱文卷首卷一 卷二
卷四 卷六 卷九 卷十一
卷十六 卷三十一

毛

晉

朱文卷首卷一
卷三 卷三 卷四
卷六 卷九 卷十一

卷六 卷九 卷十一
卷二十六 卷二十八
卷二十九 卷三十一

汲古

朱文卷首卷四
卷八 卷十一 卷十五

毛辰

朱文卷首卷一 卷二 卷三 卷四 卷五 卷六
卷八 卷九 卷十一 卷十五 卷十六 卷十九 卷二十一
卷三十一 卷三十五

主人

卷三十五

斧季

朱文卷首卷一 卷二 卷四 卷五 卷六
卷八 卷九 卷十一 卷十五 卷十六 卷十九 卷二十一
卷三十一 卷三十五

毛晉

朱文 卷一
卷八 卷十五

子

朱文 卷一
卷三十一 卷三十五

毛晉

朱文
卷五
卷五

毛氏

朱文
卷五

沈與

白文
卷五

姑餘

白文
卷七

毛詩

一函
四冊

四卷不依風雅頌分卷祇列詩序經文其小雅分
什依集傳是南宋季年本然家伯維宰降子卿士
之類尚從古本與後來諸本不同

宋活字本唐風內自字橫置可證考沈括夢溪筆
談慶厯中有畢昇爲活版以膠泥燒成而陸深金
臺紀聞云毘陵人初用鉛字視版印尤巧則活字

版實昉宋時矣模印字用藍色尤稀見

詩集傳

四面十六冊

宋朱熹集傳二十卷前有詩傳綱領詩圖自序大

小序

李霽家藏本霽高陽人順治丙戌進士官至大學

士

據梧居士

朱文

李霽

自文

謙牧堂藏書印

自文

謙牧堂書畫記

朱文以上俱每卷首

呂氏家塾讀詩記

二函十六冊

宋呂祖謙撰三十二卷第一卷綱領詩樂刪次大小序六義風雅頌章句音韻卷帙訓詁傳授條例第三卷以下詩正文小注引諸家說斷以己意前朱熹序後尤袤跋

宋巾箱本按陳振孫書錄解題云自公劉已後編纂已備條例未竟學者惜之此本公劉首章下有識云先兄己亥之秋復修是書至此而終自公劉之後章訖於終篇則往歲所纂輯者皆未及刊定如小序之有所去取諸家之未次先後與今編條

例多未合今不敢復有所損益姑從其舊以補是書之闕云按前序云伯恭父之弟子約以是書授其兄之友邱侯宗卿而宗卿將爲版本以傳永久後跋亦云今東州士子家寶其書而篇帙旣多傳寫易誤建寧所刻又益闕遺其友邱侯宗卿惜其傳之未廣始鋟木於江西漕臺據此則是書本有建寧坊本邱宗卿乃爲重刻此帙也子約祖謙之弟祖儉字太常寺丞以上書乞誅韓侂冑謫死賜諡忠宗卿名密江陰軍人隆興進士官至同知樞

密院事贈太師諡忠定尤袤字延之無錫人紹興
進士官至禮部尚書諡文簡宋史皆有傳
曾藏王世貞毛晉家其宗伯一印則錢謙益自誌
其官闕也

貞元

朱文
卷首

仲雅

朱文
卷首

宗伯

朱文
卷三十二

絳谿

白文
卷首

毛晉
私印

白文
卷一

子晉

朱文
卷一

絳溪

朱文
卷一

草堂

卷三十二

呂氏家塾讀詩記
十六冊

同前

亦宋巾箱本前本每版十二行每行二十二字此
本十四行十九字且注中引諸家姓氏皆用白文
確非一本或卽尤跋所云建寧刻也又別本魏了
翁序乃爲眉山賀春卿重刻而作又明陸鈇重刻
是書鈇有序此無之祖謙書絕爲世重當時卽已
重槧不一則未知何本也

周禮

一函
六冊

鄭康成注十二卷後附陸德明音義一卷岳珂所

謂音釋自爲一書真宋監本之舊也

按書中太宰三曰邦

監本謄郊

甸之賦膳夫羞用百有

監本脫有字

二十品卿大夫各憲之于其所治

監本衍以下

句國字屬此句

肆長掌其戒禁

監本謄令

遂人以彊

監本謄疆

予任

眚大樂正乃分樂而序

監本謄祀

之磬師凡

監本謄及

祭祀

夏官序官小子史一

監本謄二

人司弓矢庫

監本謄痺

矢授

兵甲

監本謄至

之儀大馭掌馭玉

監本謄王

輅職方氏其浸

盧

監本謄廬

維庭氏夜

監本脫夜字

射之大行人則詔

監本謄詔

字

相諸侯之禮小行人凡此五物者

監本脫此字

掌客

致饗

監本
謄饗

太牢秋官末都則

闕

都士

闕

家士

監本
闕

說此

三官考工記輪人則是搏

監本
謄搏

以衍石也是則明

傳刻之誤宋監本不誤也

項氏萬卷

朱文 卷一

子

朱文 卷一

萬卷堂

朱文 卷一

堂圖籍印

卷五 卷九

長

卷五 卷九

圖籍章

卷五 卷九

大生

白文 卷一卷五

堂印

卷九 卷末

端友

省主 人印

白文

錢

白文

孟襄

卷末

東巖周禮訂義

四函
三十二冊

宋王與之撰與之字次點樂清人官通判泗州書

八十卷前有祕書省下溫州牒次溫州繳書申次
知溫州趙汝騰薦奏次檢正都司看詳次旨授賓
州文學又紹定五年眞德秀序編類姓氏世次編
集條例序周禮興廢後有嘉熙丁酉趙汝騰後序
據牒奏乃淳祐二年六月宣取十一月繳進十二
月本州奏薦三年正月降付四月降旨授官其列
銜則推官施洽判官周夢發添差通判趙與憲通
判趙賁夫直煥章閣知州趙汝騰也申內印本二
十冊在當時已鐫版矣書中採諸舊說五十一家

杜子春鄭興鄭眾鄭康成崔靈恩賈公彥六家外
餘皆宋人其以序官散附諸職與古本異
是書近通志堂經解有重槧本

儀禮

一函
六冊

鄭康成注十七卷每卷末列經若干字注若干字
通卷宋諱闕筆惟不諱慎字敦字蓋紹興年間刻
按晁公武云監本差誤蓋多亦難盡從岳珂亦謂
不能無譌謬脫略今細校之以儀禮爲最甚張淳
所以有儀禮正誤之作也謹以此本未譌者列於

左士冠禮啐醴建

監本謫捷

枳士昏禮菹

監本謫菹

醢四豆

御受

監本謫授

始扱壹

監本謫一

祭命之

監本謫辭字

曰壻授綏

姆辭曰未教不足與爲禮也

監本謫此節

弟

監本謫則字

稱

其兄士相見禮摯

監本謫贊

鄉飲酒禮逐

監本謫送

授瑟尊

者降席席

監本謫一席字

東南面改取

監本謫作

一个挾之以

耦

監本謫字

告於大夫曰相揖退

監本謫退字

反位適左

个中皆

監本謫亦

賓與大夫坐

監本謫坐字

反奠于其所福

髻橫而拳

監本謫奉

之祖薰

監本謫纁

襦士鹿中翽旌以獲

監本謫此節

燕禮升賓

監本謫賓

之大夫皆升

監本謫升字

就席

太師告子

監本脫于字

樂正曰主人拜送

監本謔授解以賜

鍾

監本謔鐘

人其牲狗也

監本全脫此節

大射儀

監本無儀字

大史

監本謔夫

在于侯之東北賓揖

監本衍乃字

升交于

監本謔與階

箭上射降三

監本謔二

一射于

監本謔與

左司馬師坐乘之

卒

監本脫卒字

比

監本謔北

耦相揖退

監本衍還字

釋弓矢于次

司射作射

監本謔揖

如初北面告

監本脫告字

于公實

監本謔賓

解以授賓司馬師

監本脫師字

受虛爵公合拜賓

監本脫賓

字

反位聘禮米禾皆二

監本謔一

十車賓

監本謔客辟坐啐

禮

監本謔酒

對曰非禮也最辭

監本脫辭字

復見之

監本謔訝以

其摯醴尊于東箱

監本

君貺寡君延及二三老拜

又拜送

監本兩節倒置

公食大夫禮贊者

監本衍二人兩字

負東

房卿擯

監本

由下覲禮侯氏裨

監本

冕坐奠圭

監本

譌喪服持

監本

重於大宗者皆

監本

為無服之

殤五月者

監本

士喪禮受用篋

監本

東監本面

不踊櫛於

監本

簞來日某

監本

卜葬其父某甫

既夕禮

監本

夷

監本

牀饌于階間擯者出

監本

字請外內

監本

皆埽皆坐持體

監本此下衍男女改服一節

裏監本親膚不說

監本

經帶升降

監本

自西階

亦張可也

監本謄可張

士虞禮簞巾

監本謄布

在其東祝佐

食降復

監本脫復字

位尸受

監本謄授

振祭哭止告事畢賓

出

監本全脫此節

特牲饋食禮賓荅再

監本謄再荅

拜立于門

外東方

監本謄房

出立于戶

監本脫戶字

西洗獻眾

監本脫眾字

足弟舉奠荅拜尸

監本脫尸字

祭酒賓卒立

監本謄于解自

監本脫自字

左受旅如初舉解者祭卒解拜長皆荅拜

監本全脫此節

主人出立於戶外

監本謄內

西面西墉

監本謄墉

下

南上少牢饋食禮如筮日之禮

監本謄儀

用薦歲

監本謄為

事皆設局監本謄以授尸坐取簞興

監本謄

以授尸坐取簞興

監本全脫此節

尸受

同祭

監本
譌受

于豆祭賓戶

監本
譌尸

西北面拜送爵主人

降

監本
譌祭

立于阼階東主人荅壹

監本
譌一

拜有司

監本
衍徹

字

匕皆加于鼎東枋

監本
譌枋

亦司士載亦

監本
譌載

體賓

亦覆手以受

監本
譌授

主人洗

監本
衍
爵字

于房中立于主

人席北西面

監本
譌
面西

主人其

監本
譌共

祭糗脩主人降

洗觶

監本
譌爵

宰夫執薦

監本
譌爵

以從其

監本
脫
其字

先生之

胥受爵酌獻侑侑拜受三獻北面荅拜

監本
重衍
此十四字

受三獻爵

監本
脫
爵字

酌授

監本
譌受

尸賓戶

監本
譌尸

西北面

荅拜賓兄弟交錯

監本
譌醋

其酬是宋本原不譌脫明

人傳刻宋監本轉益謬誤不得歸咎於宋本也

儀禮

二函
十二冊

同前

朱彝尊曝書亭藏彝尊字錫鬯秀水人康熙己未
博學鴻詞科官檢討

四峯閣

朱文

各卷首

朱彝尊
錫鬯氏

朱文

各卷首

儀禮圖

二函
十四冊

宋楊復撰復字茂才號信齋福州人贈文林郎書

十七卷用鄭康成注附音義間採疏說其斷以己
意者用今按云云凡圖卽附句後爲圖二百有五
末旁通圖分三門曰宮廟曰冕弁曰牲鼎禮器爲
圖三十有五前冠晦菴朱文公乞修三禮奏劄次
紹定戊子復自序復爲朱門弟子趙彥肅嘗作特
牲少牢二禮圖質諸朱熹熹曰更得冠昏圖及堂
室制度并考之乃爲佳爾復故因其師說以成此
書

是本序後刻崇化余志安刊於勤有堂按宋版列

女傳載建安余氏靖菴刻於勤有堂乃南北朝余祖煥始居閩中十四世徙建安書林習其業二十五世余文興以舊有勤有堂之名號勤有居士蓋建安自唐爲書肆所萃余氏世業之仁仲最著岳珂所稱建余氏本也

謝氏白文
之章卷首

維朱文
貞卷八

東山白文
清悅卷三

謝朱文
檜卷三

邱白文
一邱卷三

錦朱文
峯卷三

禮記

二函
十六冊

鄭康成注附音義書二十卷每卷末刻經若干字

注若干字音義若干字

按每卷有余氏刊于萬卷堂或余仁仲刊于家塾
或仁仲比較訖九經三傳沿革例云九經本自監
蜀京杭而外有建余氏本分句讀世稱善本仁仲
卽其人也

禮記今行陳澧集說塗改經文甚多其注疏監本

校之此本不同者曲禮酒漿處右

監本
譌內

然後辯

監本

譌

殽檀弓夫由

監本
譌猶

賜也見我舉者出戶

監本
譌尸

出

戶袒歲壹

監本
譌一

漆之斂首

監本
譌手

足形如不出諸

監本

脫諸其口王制亦監本弗故生也用地小大監本

字調示小月令黑黃倉監本赤乃監本命虞人入山行

木坏牆垣監本董小大監本曾子問女氏許

諾而弗監本敢嫁曾子問監本曰父母之喪弗

除可乎祭殤不舉監本禮運故事有監本守也

而固人之監本肌膚之會郊特牲丘乘共監本

棗盛玉藻入太廟說笏非古監本也喪服小記麻

同皆兼服之監本少儀頽杖以授使者于

阼階之南南監本面再拜稽首送學記是以雖

離師輔而不反也

監本脫也字

樂記非聽其鏗鎗

監本謄錯

而已也雜記介立于其

監本謄門

左視君之母與

監本衍君

之二

妻宦

監本謄官

於大夫者之爲之服也宗人視

監本

謄祝

之喪大記男子出寢門

監本衍外字

子大夫公子

監本

衍眾士二字

食粥橫置于西序祭法禘郊宗祖

監本謄祖宗

祭儀嘉

監本謄喜

而昭忘哀公問如此

監本衍則字

國家順

矣孔子閒居斯可謂參

監本衍於字

天地矣嵩高惟

監本

謄維

嶽坊記民猶有

監本脫有字

薄於孝而厚於慈示民

監本脫民字

不淫也中庸可壹

監本謄一

言而盡也惟

監本謄維

天之命待其人然

監本謄而

後行君子

監本衍之字

所不可

及者表記道有至

坊本衍有字

義有考詩云

監本謄曰

溫溫

恭人彼記

監本作其

之子緇衣有國

監本衍家字

者章義

監本

善謄

癘惡往省括于厥

坊本脫厥字

度昔在

監本謄在昔

上帝

問喪以鬼饗

監本謄享

之昏義和於射鄉

監本謄鄉射

后聽

內職

監本謄治

皆足證監本之誤

明唐寅藏寅家姑蘇之桃花塢見明史文苑傳後

入毛晉徐乾學家徐炯字章仲乾學之子官直隸

巡道

桃花塢人家

朱文卷一之二十

吳越王孫

朱文卷一之卷九卷十卷二十

宋本

甲

俱朱文卷一

毛

晉

朱文卷一卷二卷三卷四卷五卷六卷七卷九卷三卷五卷十六

子

晉

朱文卷七

汲古主人

朱文卷四

毛氏子晉

朱文卷八卷十二

卷十四卷二十

毛晉之印

朱文卷二十

傳是樓

朱文卷一卷二卷三卷二十

章

仲

朱文卷九

徐炯收藏書畫

朱文卷一

徐章仲所讀書

朱文卷二卷三

傳是樓

和文卷四卷二卷七

臣

朱文卷五

徐仲子

朱文卷七

徐炯收藏祕笈

朱文卷二十

東海漁人

朱文卷四卷八卷十四

聽松風閣

朱文卷九卷十一卷十二卷十四

別號自疆

白文卷十七

禮記二函
二十冊

鄭康成注二十卷每卷末刻經若干字注若干字
宋中字本校正與前余仁仲本同

禮記四函
二十冊

鄭康成注二十卷末總注經凡九萬八千一百七
十一言注一十萬九千三百七十八言

宋大字本自孝宗以上諱皆闕筆校正與余仁仲
本同惟斂首足形首作手爲小異耳

闕補卷十九十三

大戴禮記

一函
四冊

漢戴德撰後周盧辯注十三卷八卷有注五卷無
注篇後間注章數字數前有韓元吉序蓋淳熙乙
未刻於建安郡齋時作也辯字景宣官書右僕射
周書有傳元吉字无咎潁川人寧宗朝官吏部尙
書

大戴禮記

一函
六冊

同上

陸深字子淵號儼山江南華亭人宏治乙丑進士

嘉靖中官詹事贈禮部侍郎著有文裕集續集行
遠集外集明史有傳後入項元汴高士奇家顧廣
基無考

雲臥閣朱文

顧印
廣基

自文

陸氏
子淵

自文

項子京
家珍藏

白文
俱每
冊前

高士奇
圖書記

朱文 每冊末

大戴禮記

一函
四冊

同上

卷首印記一不可辨

金璠瑞安人康熙庚午舉人

金璠

朱文卷一

三禮圖

一函
四冊

同首部

三禮圖

一函
四冊

同首部

曾藏史氏趙氏王英字時彥金溪人永樂甲申進

士累官南京禮部尙書諡文安有泉坡集後入明

內府鈐九疊篆印

內府圖書之印

朱文

每冊首

史氏家傳翰苑收藏書畫圖章

朱文

每冊首

趙孟頫印

朱文

每冊首

王英時彥

白文

每冊首

司馬氏書儀

一函一本

宋司馬光撰十卷分七門曰表奏曰公文曰私書

曰家書曰冠儀曰昏儀曰喪儀前有刻書序無名氏

按書中敦字闕筆乃光宗以後刻其曰歲壬子即光宗之紹熙三年也又刻墨圖記曰傳授書堂曰稚川世家其人或葛姓也近有影宋刻本甚工細按其闕空即從此本影出

文遠

朱文

何時一尊

酒重與
細論文

朱文

碧潤生

白文

○月當
花看人

朱文 不可辨
傷未

欽定天祿琳琅書目後編卷二終